

Masfjorden kommune
Austfjordvegen 2724
5981 MASFJORDNES

Vår dato: 19.03.2019
Vår ref.: 201839458-8
Arkiv: 323
Dykkar dato: 11.02.2019
Dykkar ref.: 17/1158

Sakshandsamar:
Toralf Otnes
22959527/toot@nve.no

NVE opprettheld motsegn til reguleringsplan for Bjørkeneset - Masfjorden kommune

Vi syner til brev datert 11.02 og 15.02.2019. I desse oppmodar de NVE om å trekke motsegn til reguleringsplan for Bjørkeneset. Vi syner og til epost med spørsmål frå oss 08.03.2019 og svar frå dykk ved Sveinung Toft same dag.

NVE fremja motsegn til reguleringsplan for Bjørkeneset i brev datert 10.10.2018. Grunnlaget for motsegna var at potensiell skredfare mot planlagde byggeområde ikkje var tilstrekkeleg utgreidd. Vi sa vidare at dersom Masfjorden kommune sytte for å få utgreidd farane, og innarbeider konklusjonane i planen, fell grunnlaget for motsegna bort.

Konkret rette motsegna seg mot at deler av planområdet ligg innanfor aktsemdområde for skred og at vurdering av reell skredfare var utsett til byggesaksnivået. Sørlege deler av planområdet ligg innanfor aktsemdområde for snøskred, og nordlege deler av planområdet ligg innanfor aktsemdområde for jord- og flaumskred.

I den sørlege delen av planområdet har Sweco Norge AS vurder skredfare for 10 tomter mellom planområdet og lausneområdet. Utgreiinga, datert 14.09.2018 friskmelder dei 10 tomtene for skredfare. Då arealet over planområdet vert friskmeld kan desse utgreiingane og nyttast som dokumentasjon i høve til den sørlege delen av planområdet.

Fare for skred i nord, det vil sei det arealet som ligg innanfor aktsemdområde for jord- og flaumskred, er vurdert av ADU Ingeniør Atle D Utkilen. I notatet, som er datert 23.01.2019, blir planområdet friskmeldt med omsyn på jord- og flaumskred.

NVE meiner at det er avgjerande at fagkyndige på skredfare utgreier skredfare når område som skal byggast ut ligg innanfor aktsemdområde for skred. Dette går fram av NVE retningsline 2/2011 Flaum og skredfare i arealplanar. Vi syner her særleg til kapittel 7.3 «Tilrådd kompetanse for utgreiing av flaum- og skredfare». I epost datert 08.03.2019 har vi spurt dykk om de har vurdert kompetansen til dei som har utført denne skredfarevurderinga opp mot retningslinene. Masfjorden kommune har så langt ikkje svart konkret på dette.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Abels gate 9
7030 TRONDHEIM

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvegen. 1B
6800 FØRDE

Region Øst
Vangsveien 73
Postboks 4223
2307 HAMAR

På bakgrunn av den informasjonen som ligg føre er vår konklusjon at skredfarevurderinga for arealet nord i planområdet ikkje er utført av fagkyndige. **NVE opprettheld difor motsegn til reguleringsplan for Bjørkeneset.**

Det oppdaterte planmaterialet styrkar vår oppfatning av at dei nordlege delane av planområdet kan vere/er utsett for flaumfare frå bekkar som passerer kritiske punkt. Vi rår sterkt til at areal som er utsett for flaum blir markert i plankartet med omsynssone H320 Flaumfare, og at det vert knytt føresegner til omsynssona som sikrar tilstrekkeleg tryggleik før utbygging kan finne stad. Planen må og sikre at flaumvegane vert haldne opne, og at terrenget ikkje vert endra slik at flaumvatnet tek nye vegar. Vi rår til at fagkyndige gjer denne jobben, og at ein tek omsyn til klimaendringar i kapasitetsvurderingane.

Med helsing

Brigt Samdal
regionsjef

Toralf Otnes
senioringeniør

Dokumentet vert sendt utan underskrift. Det er godkjent etter interne rutinar.

Kopi til:

Fylkesmannen i Vestland